



BOP

SÁBADO, 29 DE NOVIEMBRE DE 2025

N.º 275

DEPUTACIÓN DE LUGO

boletin@deputacionlugo.org
www.deputacionlugo.gal

Dep. Legal: LU-1-1968

Administración: San Marcos, 8 - 27001 Lugo
Tel.: 982 260 124/25/26 - Fax: 982 260 205

EXCMA. DEPUTACIÓN PROVINCIAL DE LUGO

ÁREA DE PROMOCIÓN ECONÓMICA E SOCIAL. SERVIZO DE BENESTAR SOCIAL E IGUALDADE

Anuncio

De acordo cos principios de publicidade e transparencia, faise público que a Xunta de Goberno da Deputación de Lugo en sesión ordinaria realizada o 28.11.2025 acordou dar aprobación ás bases para a participación no programa LugoTermal, así como a súa convocatoria

BASES PARA A PARTICIPACIÓN NO PROGRAMA LUGOTERMAL 2025_2026

A Deputación de Lugo ten como un dos seus obxectivos principais promover o benestar social da súa cidadanía, en cumprimento do establecido no artigo 50 da Constitución española, o cal sinala que os poderes públicos promoverán o benestar mediante un sistema de servizos sociais que atenderán seus problemas específicos de saúde, vivenda, cultura e lecer.

Así mesmo, a Lei 7/1985, de 2 de abril, reguladora das Bases do Réxime Local, no seu artigo 36, establece as competencias propias das Deputacións que serán as que lle atribuían en este concepto as leis do Estado e das Comunidades Autónomas nos diferentes sectores da acción pública, establecendo, entre outras, a cooperación no fomento do desenvolvemento económico e social, e asegurar o acceso da poboación da Provincia ao conxunto dos servizos mínimos de competencia municipal. Neste senso, a Lei 5/1997, de 22 de xullo, reguladora da Administración Local de Galicia, establece como competencias das Deputacións no artigo 109. d) o fomento e a administración dos intereses peculiares da provincia.

A Lei 13/2008, do 3 de decembro, de servizos sociais de Galicia (LSSG), ten por obxecto estruturar e regular, como servizo público, os servizos sociais nesta Comunidade Autónoma de Galicia para a construción do sistema galego de benestar, entendendo por servizos sociais o conxunto coordinado de prestacións, programas e equipamentos destinados a garantir a igualdade de oportunidades no acceso á calidade de vida e á participación social de toda a poboación galega, mediante intervencións que permitan o logro de diversos obxectivos, entre os que se atopan: previr a aparición de calquera situación de dependencia, exclusión, desigualdade ou desprotección e promover e garantir o dereito universal da cidadanía galega ao acceso aos servizos sociais, garantindo a suficiencia orzamentaria que asegure a súa efectividade.

Así mesmo, a citada LSSG establece que as competencias das deputacións provinciais, de conformidade co previsto na normativa de réxime local, proporcionarán asistencia económica, técnica e xurídica aos concellos na execución das súas competencias en materia de servizos sociais, especialmente na prestación de servizos sociais comunitarios básicos por aqueles concellos con menos de vinte mil habitantes.

Coa entrada en vigor da Lei 27/2013, de 27 de decembro, de racionalización e sustentabilidade da Administración Local (LRSAL), establécese que as entidades locais non asuman competencias que non lles atribúe a lei e para as que non contén co financiamento adecuado. Polo tanto, só poderán exercer competencias distintas das propias ou das atribuídas por delegación cando non se poña en risco a sustentabilidade financeira do conxunto da Facenda local.

En virtude de que a Comunidade Autónoma de Galicia ten atribuída a competencia exclusiva en materia de réxime local, de acordo co artigo 27 do seu Estatuto de autonomía, así como de acordo co seu artigo 49 a tutela financeira sobre os entes locais, respectando a autonomía que a estes recoñécenlles os artigos 140 e 142 da Constitución e de conformidade co artigo 27.2 do Estatuto, ditouse a Lei 5/2014, do 27 de maio, de medidas urxentes derivadas da entrada en vigor da LRSAL, a cal no seu artigo 3 establece en relación as competencias das entidades locais distintas das propias e das atribuídas por delegación, no seu apartado 3. a) que non se entenderá como exercicio de novas competencias a continuidade na prestación dos servizos xa establecidos, sendo este o caso que nos ocupa, xa que os programas de termalismo lévanse desenvolvendo por parte desta Deputación dende o ano 2011 nas súas diferentes edicións, dirixidos ás persoas maiores empadroadas en calquera concello da provincia de Lugo, coa contratación dos balnearios autorizados pola autoridade competente para utilizar as augas minero-medicinais declaradas de utilidade pública con fins terapéuticos e preventivos para a saúde, da provincia de Lugo, segundo o establecido no artigo 22 da Lei 5/1995, de 7 de xuño, de regulación das augas minerais, termais, de manancial e dos establecementos balnearios da Comunidade Autónoma de Galicia.

A Deputación de Lugo pretende levar a cabo, un ano mais, o programa preventivo da dependencia e da promoción da autonomía persoal, potenciando o envellecemento activo a través do termalismo, denominado "LugoTermal". Este programa ten como obxectivo principal a mellora da calidade de vida das persoas participantes, cun carácter preventivo da dependencia e da promoción da autonomía persoal a través dos tratamentos/técnicas termais, estando dirixido a persoas que teñan 50 anos ou máis e que se topen empadroadas nalgún concello da provincia de Lugo, podendo levar consigo unha persoa en calidade de acompañante, que non cumpra os requisitos sinalados.

Co obxecto de seleccionar ás persoas participantes deste programa establécense as presentes bases de selección e a súa convocatoria.

Base 1. Obxecto

O obxecto destas bases é a oferta de prazas para tratamentos termais, con e sen estancia, na provincia de Lugo dentro do programa de Benestar Social da Deputación de Lugo denominado LugoTermal, así como, proceder a súa convocatoria.

A tal efecto enténdese por establecementos balnearios da provincia de Lugo aqueles que empreguen as augas mineromedicinais declaradas de utilidade pública con fins terapéuticos e preventivos para a saúde, segundo a Lei 5/1995, de 7 de xuño, de regulación das augas minerais, termais, de manancial e dos establecementos balnearios da Comunidade Autónoma de Galicia e se atopen nalgún dos concellos desta provincia con actividade termal.

Base 2. Participantes

Poderán ser persoas beneficiarias do programa, de Benestar Social da Deputación de Lugo, LugoTermal en establecementos balnearios da provincia de Lugo aquelas que reúnan os seguintes requisitos na data na que solicite a participación no programa e os manteñan durante todo o programa:

- A persoa solicitante titular do Programa deberá cumprir os requisitos de estar empadroadada nalgún dos concellos da provincia de Lugo e ter cando menos os 50 anos cumpridos. A titular, poderá participar cunha acompañante que non cumpra os requisitos contemplados neste parágrafo.
- Valerse por se mesma para as actividades da vida diaria e estar en condicións de participar no programa, excepto no caso de fillos/as que acudan en calidade de acompañantes, os cales deberán compartir habitación co/s proxenitor/es, o/s cal/es serán os responsables das mesmas.
- Non padecer alteracións do comportamento que podan afectar á normal convivencia nos establecementos, nin padecer enfermidade transmissible con risco de contaxio.
- Carecer de contraindicación médica para a recepción dos tratamentos termais.

Base 3. Prazas convocadas

Convócanse para participar no programa LugoTermal as prazas reflectidas no Anexo II na modalidade A, tratamentos con estancia, así como, na modalidade B, tratamentos sen estancia, que se levarán en diferentes quendas e establecementos termais da provincia de Lugo durante o período comprendido dende a aprobación e entrada en vigor das presentes bases ata o 12.12.2026. En todo caso, o inicio da prestación dos servizos termais estará supeditada ao expediente de contratación vinculado ao mesmo.

Base 4. Servizos e prestacións ofertados

Modalidade A, tratamentos con estancia:

- Serán estanzas, nos establecementos termais da provincia de Lugo que participen no programa, de seis (6) días e cinco (5) noites en réxime de pensión completa en habitacións de uso compartido. Con carácter xeral, o domingo será o día de entrada.
- Se atenderá a dispoñibilidade dos establecementos para concretar o momento de acceso e saída aos mesmos, sendo acordado previamente coas participantes, pero en todo caso, cada participante terá incluída unha pensión completa entre os días de entrada e saída (almorzo, xantar e cena).
- Con carácter xeral cada persoa participante do programa LugoTermal e por estancia terá cinco (5) días de tratamento nos cales se lles aplicarán como mínimo de quince (15) técnicas termais e total. Non se aplicarán as técnicas termais, cando estea contraindicado polo médico do establecemento termal correspondente, ou cando a persoa usuaria así o solicite expresamente, tendo que facilitarlle o balneario algunha alternativa, sempre que sexa viable e posible, sen custe adicional.
- Os tratamentos termais realizaranse utilizando as técnicas específicas de cada modalidade terapéutica concertada, adecuadas á circunstancia persoal de cada participante, en función da tolerancia e características da mesma, e baixo prescrición facultativa e seguimento médico.
- As persoas participantes terán un recoñecemento médico previo a aplicación das técnicas termais, co obxecto de coñecer a súa situación médica inicial e prescribir o tratamento termal mais axeitado. O/a médico do establecemento termal deberá efectuar un correcto seguimento dos tratamentos/técnicas termais co obxecto de controlar a evolución nos participantes, co especial vixilancia daquelas persoas que

padecen enfermidades crónicas ou se atopan en tratamento farmacolóxico que puidera verse afectado por estas técnicas termais. Poderase realizar un último control médico emitíndose un informe, a petición da persoa usuaria, no que se describan tódalas características do tratamento efectuado, a evolución durante o mesmo, así como, as posibles recomendacións.

- f. Se terán en conta as características das participantes do programa á hora de confeccionar os menús, tendo en conta que as persoas que por prescrición facultativa requiran menú de réxime e así o acrediten, disporán dun menú especial. En todo caso o servizo de manutención poderase realizar en réxime de autoservizo ou con servizo en mesa. Se o establecemento optase polo autoservizo, deberá de prever persoal de apoio para as persoas usuarias que o precisen.
- g. O tipo de almuerzo será, como mínimo, o denominado “continental”, composto por café e/ou infusións, zume, froita, pastelería variada e tostadas, aceite de oliva, manteiga e marmeladas; os menús serán variados, ofertando, polo menos, dúas modalidades diferentes, tanto para o primeiro como para o segundo prato e sobremesa.
- h. Os menús do xantar e da cea incluírán viño de mesa de calidade media e auga embotellada ou a propia do balneario, cando esta teña sido declarada oficialmente como auga mineromedicinal de utilidade pública e apta para a bebida, sobre todo se é para os tratamentos dos aparatos dixestivo, renal ou vías urinarias.
- i. Realizarase a limpeza diaria das habitacións. O servizo de toallas e demais lencería mudárase tendo en conta ás políticas de protección do medio ambiente.
- j. O programa termal se complementará cun programa de animación sociocultural.
- k. As persoas beneficiarias que estean interesadas en aloxarse en habitación individual, teranse que facer cargo da diferenza do custo que supoña, e as que precisen dalgún tipo de apoio ou dieta especial terano que indicar no momento de presentar a solicitude, no momento de aceptar a quenda e acreditarlo ao incorporarse.
- l. As beneficiarias que estean interesadas en participar nas excursións ou actividades con custo adicional que organice o establecemento termal ou hostaleiro, deberán de facelo polos seus propios medios e ao seu cargo.
- m. O desprazamento desde o domicilio ata o establecemento termal así como o de regreso correrá a cargo das persoas beneficiarias.

Modalidade B Termalismo sen estancia:

- a. Trátase de recibir como mínimo (trinta) 30 técnicas termais durante dez días (con carácter xeral de luns a venres), sen estancia nos establecementos termais da provincia de Lugo.
- b. Os tratamento termais realizaranse utilizando as técnicas específicas de cada modalidade terapéutica concertada, adecuadas á circunstancia persoal de cada participante, en función da tolerancia e características do mesmo, e sempre baixo prescrición facultativa e seguimento médico.
- c. As persoas participantes terán un recoñecemento médico previo a aplicación das técnicas termais, co obxecto de coñecer a súa situación médica inicial e prescribir o tratamento termal mais axeitado. O/a médico do establecemento termal deberá efectuar un correcto seguimento dos tratamentos/técnicas termais co obxecto de controlar a evolución nos participantes, co especial vixilancia daquelas persoas que padecen enfermidades crónicas o se atopan en tratamento farmacolóxico que puidera verse afectado por estas técnicas termais. Poderase realizar un último control médico emitíndose un informe, a petición da persoa usuaria, no que se describan tódalas características do tratamento efectuado, a evolución durante o mesmo, así como, as posibles recomendacións.
- d. O desprazamento desde o domicilio ata o establecemento termal así como o de regreso correrá a cargo das persoas participantes.

Base 5. Prezo das prazas

Modalidade A, Termalismo con estancia:

Esta modalidade do Programa tería un custe total máximo de 385,55 € con IVE por usuaria e estancia, dos cales a Deputación de Lugo sufragará 110,55 € persoa/estancia e os restantes 275,00 € correrá a cargo de cada persoa participante por estancia.

O citado importe é prezo cerrado para todos os servizos incluídos no programa, sen que proceda efectuar dedución algunha se por calquera causa imputable á persoa beneficiaria esta non desfrutase da totalidade de dito servizos, agás por causas excepcionais, que se detallan nesta base.

Modalidade B, Termalismo sen estancia:

Esta modalidade do Programa tería un custe total máximo a sufragar polas persoas participantes de 264,00 € con IVE. O citado importe é prezo cerrado para todos os servizos engadidos no programa, sen que proceda efectuar dedución algunha se por calquera causa imputable á persoa beneficiaria non desfrutase da totalidade de ditos servizos.

No caso de que unha persoa teña que abandonar por causas excepcionais (falecemento ou enfermidade grave sobrevida dun familiar de primeiro (1º) e ou segundo (2º) grado, indisposición médica, contraindicación sobrevida, etc.) e acreditadas a participación, o establecemento facturará tanto a persoa afectada como á Deputación a parte proporcional do goce da participación. En caso de discrepancia será a Deputación de Lugo quen determine se existen causas xustificadas e acreditadas de xeito adecuado.

Base 6. Presentación de solicitudes

A solicitude, presentárase conforme ao modelo oficial que figura no Anexo I, dirixíndoa ao Sr. Presidente da Deputación de Lugo e presentándoa, preferentemente no Rexistro Xeral da Deputación de Lugo, na sede electrónica desta administración <https://sede.deputacionlugo.org/opencms/opencms/sede> ou ben por calquera dos medios previstos no artigo 16 da Lei 39/2015, de 1 de outubro, do Procedemento Administrativo Común das Administracións Públicas.

O prazo para presentar a solicitude será dende ás 09:00 horas do día seguinte hábil á publicación da convocatoria no Boletín Oficial da Provincia de Lugo, quedando aberto o prazo ata o remate do programa ou ata que se esgoten as prazas convocadas.

Constarán impresos normalizados establecidos ao efecto que poderán obter por medios electrónicos na páxina principal da web da Deputación Provincial de Lugo (www.deputacionlugo.gal) ou na propia entidade en formato papel.

Base 7. Solicitudes e documentación complementaria necesaria para a súa tramitación.

- As solicitudes formuláranse no modelo oficial que se indica no Anexo I de estas bases, tendo que acompañalos de copia do DNI ou NIF da persoa interesada en participar, ou documento que regulamentariamente o substitúa e do seu acompañante se fora o caso.
- As solicitudes deberán ter os elementos básicos para poder localizar ás persoas interesadas en participar no programa. As solicitudes que non conteñan os datos mínimos expresados no artigo 66 da Lei 39/2015, de 1 de Outubro, do procedemento administrativo común das administracións públicas, non serán cursadas.
- Sempre que se realice a presentación de documentos separadamente da solicitude deberase indicar o procedemento que ocupa e o código de expediente, se se dispón del.
- A Deputación de Lugo, poderá, se así o considera necesario, solicitar documentación ás persoas interesadas e realizar as comprobacións e verificacións que considere oportunas acerca dos datos e documentos presentados polas solicitantes, con especial mención ao empadramento.
- A presentación das solicitudes supón a aceptación das condicións do programa, requisitos e obrigas fixadas nel, ademais a concorrencia neste procedemento implica a manifestación tácita de consentimento inequívoco ao tratamento de datos de carácter persoal e a súa publicación consonte co previsto na Lei Orgánica 3/2018, do 5 de decembro, de Protección de Datos Persoais e garantía dos dereitos dixitais. A finalidade da recollida e tratamento dos datos de carácter persoal será estritamente tramitación dos expedientes deste Programa. A deputación de Lugo só facilitará os datos básicos das persoas participantes (nome, apelidos, teléfono de contacto e DNI codificado)

Base 8. Instrución

A unidade de Benestar Social e Igualdade será quen procederá a revisar as solicitudes e maila documentación presentada. No caso de estar incompleta, conter erros ou non achegar toda a documentación requirida, poderase reclamar ás solicitantes que emenden os defectos apreciados, de conformidade ao artigo 68 da Lei 39/2015, de 1 de outubro, do Procedemento Administrativo Común das Administracións Públicas, procedendo ao desestímulo e ao arquivo da mesma, no caso de non efectuar a emenda solicitada. Ase mesmo, se realizarán de oficio cantas actuacións se estímen necesarias para a determinación, o coñecemento e a comprobación dos datos que constan na solicitude.

En aras de axilizar o procedemento de tramitación, poderase realizar requirimentos de emendas vía telefónica, que no caso de non ser atendidas en menos de 48 horas, procederase a ser requirido de conformidade co establecido na Lei 39/2015 xa sinalado.

A selección das participantes farase atendendo ao rigoroso orde de rexistro no rexistro xeral da Deputación de Lugo, unha vez completa a solicitude. Cada participante só poderá constar nun expediente, polo que, no caso de que unha persoa apareza en máis dunha solicitude, non será tida en conta, quedando só como válida a solicitude antes rexistrada con independencia de en calidade de que conste: como titular ou como acompañante.

Unha vez completos os expedientes remitíranse aos establecementos termais participantes, para a asignación da quenda oportuna, a cal será acordada entre o establecemento e as solicitantes, tendo en conta as preferencias destas, a dispoñibilidade termal e no recollido nas presentes bases. A data asignada só se poderá modificar unha vez, e sempre e cando exista dispoñibilidade nos establecementos termais. Estes só

terán a obriga de facer dous intentos de asignar data de participación. No caso de ser rechazada ou anulada sen xustificación acreditada, perderán o dereito a participar do programa.

Se a persoa solicitante só indica un establecemento termal e este se topa completo, non se terá e conta para os restantes establecementos. Se a persoa solicitante indica máis dunha preferencia, no caso de non ter praza no establecemento elixido en primeira opción, pasará de xeito inmediato á segunda opción. En todo caso, a Deputación, en aras de sacar o maior rendemento social ao programa, no caso de quedar prazas dispoñibles nun establecemento termal e non ter solicitantes, poderá chamar ás persoas que non teñen asignada praza para ofertarlles a posibilidade de cambio de establecemento, sen ter que tramitar unha nova solicitude.

Unha vez confirmada as datas de participación, os establecementos termais, estes remitirán ditos datos á Deputación de Lugo para proceder á súa aprobación definitiva.

Aquelas persoas usuarias que sexan chamadas e non acepten as condicións ofertadas ou rexeiten participar no programa deberán comunicar dita decisión á Deputación de Lugo, para que estes sexan eliminados da listaxe e podan concorrer outras solicitantes ás prazas, que ata ese momento constarán reservadas para esas persoas.

A resolución das persoas beneficiarias participantes do programa termal, lle corresponde á Presidencia da Deputación de Lugo, sendo obxecto de publicación na web da Deputación de Lugo. Contra a indicada resolución, que esgota a vía administrativa, cabe interpoñer os seguintes recursos, sen prexuízo dos cales os interesados poderán exercer calquera outro que consideren procedente: recurso potestativo de reposición no prazo dun mes contado a partir do día seguinte ao da notificación ou publicación da resolución, perante o mesmo órgano que adoptou a resolución, de acordo co disposto nos artigos 123 e 124 da Lei 39/2015, de 1 de outubro, do Procedemento Administrativo Común das Administracións Públicas ou directamente recurso contencioso-administrativo no prazo de dous meses, perante o Xulgado Contencioso Administrativo de Lugo, computado a partir do día seguinte ao da notificación ou publicación da resolución.

Base 9. Comunicación ás persoas interesadas

Todas as comunicacións ás persoas interesadas realizaranse de conformidade co establecido na Lei 39/2015, do 1 de outubro, de Procedemento Administrativo Común das Administracións Públicas, os actos e comunicacións relativas ao Programa que procedan en virtude do procedemento administrativo, faranse públicas no taboleiro de Anuncios da Deputación e na páxina www.deputacionlugo.org xurdindo a publicación os mesmos efectos que a notificación. Non obstante cando a Administración estime que a publicación efectuada resulta insuficiente, e co obxecto de axilizar o procedemento, poderá efectuar adicionalmente notificación individual por correo electrónico á dirección que as interesadas designasen ou de xeito telefónico, por razóns de prazos (data de acceso ao establecemento termal asignado). O prazo para considerar rexeitada a notificación, cos efectos previstos no artigo 44 da Lei 39/2015, do 1 de outubro, de Procedemento Administrativo Común das Administracións Públicas, será de cinco días.

Base 10. Confirmación das prazas e listaxe de agarda

Unha vez notificada a concesión da praza, para poder facer uso dela, as persoas beneficiarias terán a obriga de presentar a Acreditación Termal Nominativa, que será facilitada pola Deputación de Lugo, para a súa presentación no establecemento Termal na quenda correspondente, que lle acreditará como participante do Programa.

As persoas solicitantes que, cumprindo os requisitos establecidos para participar no presente programa, non obteñan praza, quedarán incluídas nunha listaxe de agarda e serán chamadas por rigorosa orde de rexistro-validación da solicitude, segundo queden vacantes dispoñibles na/s opción/s elixida/s.

Cando a persoa solicitante titular sexa chamada dúas veces e non se obteña resposta, poderá o centro xestor pasar á seguinte da listaxe, co fin de axilizar o procedemento, sen que isto supoña a expulsión da listaxe.

Existirá a posibilidade de que calquera participante do programa LugoTermal poda volver a participar no mesmo, sempre e cando existan prazas sen cubrir e non exista listaxe de agarda. En último termo, as novas solicitantes sempre terán prioridade sobre estas.

Base 11. Renuncia á praza.

No caso de que a persoa beneficiaria renuncie á praza outorgada no programa LugoTermal deberá comunicalo por escrito empregando a declaración de renuncia á participación no modelo Anexo III, no prazo de 10 días contados a partir da notificación do outorgamento á Deputación Provincial de Lugo. De non presentarse a renuncia no prazo establecido será motivo de exclusión directa para novas solicitudes. As participantes non poderán volver a optar a novas solicitudes deste programa, salvo que a renuncia sexa xustificada de xeito adecuada (problemas de saúde, familiares, etc.).

A persoa beneficiaria no caso de non poder acudir o día de entrada no establecemento termal asignado, deberá comunicar tal circunstancia ao mesmo coa máxima prisa, podendo facelo de xeito telefonico, así como, deberá comunicar tal circunstancia con posterioridade á Deputación de Lugo.

A beneficiaria que tivera outorgada a praza e non se presentase no día e no establecemento asignado perderá o dereito a participar neste programa ao abeiro da resolución que lle concedía este dereito.

Base 12. Perda da condición de beneficiaria do programa.

Ademais das circunstancias establecidas na base 8 das presentes bases, tamén perderán a condición de persoa beneficiaria do programa aquelas que non abonen ao establecemento termal, o importe da cantidade estipulada para a praza que se lle outorgou.

A consignación ou achega de datos ou documentos falseados ou inexactos para a obtención das prazas reguladas polas presentes bases, implicará a cancelación da praza obtida, no suposto de que non se participase na quenda, ou a obriga, por parte da persoa interesada, de abonar o prezo real da praza, sen prexuízo das accións que procedan na aplicación da normativa vivente, si xa desfrutara a quenda.

Base 13. Normativa

Establecementos termais e usuarias deberán de respectar e cumprir a normativa vixente de aplicación propia da natureza da actividade

Lugo, 28 de novembro de 2025.- O PRESIDENTE, P. D. Decreto de data 25.06.2025, o DEPUTADO PROVINCIAL, Pablo Rivera Capón.



ANEXO I SOLICITUDE 2025_2026

1. DATOS PERSOA TITULAR SOLICITANTE (ACOMPÑAR COPIA DO DNI)

NOME	PRIMEIRO APELIDO	SEGUNDO APELIDO	DNI	DATA NACEMENTO

CONCELLO NO QUE SE ATOPA EMPADROADA

1.1 DATOS DE CONTACTO A EFECTOS DE NOTIFICACIÓN

DOMICILIO (RÚA, NÚMERO, ESCALEIRA..)	CÓDIGO POSTAL	CONCELLO	TELÉFONO/S

1.2 PREFERENCIAS

MODALIDADE	___ CON ESTANCIA	___ SEN ESTANCIA
ESTABLECEMENTO THERMAL DE PREFERENCIA 1		ESTABLECEMENTO THERMAL DE PREFERENCIA 2
ESTABLECEMENTO THERMAL DE PREFERENCIA 3		MES DE PREFERENCIA (DATA DE REFERENCIA)

1.3 DECLARACIÓN RESPONSABLE DA TITULAR, DECLARO BAIXO A MIÑA RESPONSABILIDADE que son certos os datos que consigno na presente solicitude,

manifestando que quedo informado/a da obriga de comunicar á Deputación de Lugo calquera variación que dos mesmos puidera producirse no sucesivo, así como:

-Que **SI** me vallo por min mesmo/a para as actividades da vida diaria.

-Que **SI** estou en condicións de participar no programa LugoThermal.

-Que **NON** presento alteracións do comportamento que me impidan a convivencia nos establecementos termiais.

-Que **NON** padezo enfermidade transmissible con risco de contaxio.

-Que **NON** teño contraindicación médica para a recepción dos tratamentos termiais e **ACEPTO** as bases do programa LugoThermal engadido o relativo á Lei Orgánica 3/2018, do 5 de decembro, de Protección de Datos Persoais e garantía dos dereitos dixitais

2. DATOS DA PERSOA ACOMPÑANTE (ACOMPÑAR COPIA DO DNI)

NOME	PRIMEIRO APELIDO	SEGUNDO APELIDO	DNI	DATA NACEMENTO

2.1 DECLARACIÓN RESPONSABLE DA PERSOA ACOMPÑANTE, DECLARO BAIXO A MIÑA RESPONSABILIDADE que son certos os datos que

consigno na presente solicitude, manifestando que quedo informado/a da obriga de comunicar á Deputación de Lugo calquera variación que dos mesmos puidera producirse no sucesivo, así como:

-Que **SI** me valgo por min mesmo/a para as actividades da vida diaria.

-Que **SI** estou en condicións de participar no programa LugoThermal.

-Que **NON** presento alteracións do comportamento que me impidan a convivencia nos establecementos termiais.

-Que **NON** padezo enfermidade transmissible con risco de contaxio.

-Que **NON** teño contraindicación médica para a recepción dos tratamentos termiais e **ACEPTO** as bases do programa LugoThermal, engadido o relativo á Lei Orgánica 3/2018, do 5 de decembro, de Protección de Datos Persoais e garantía dos dereitos dixitais

Para información adicional relativa á protección dos seus datos, por favor, consulte o enlace web seguinte: http://deputacionlugo.gal/rexistro_actividades_tratamento/servizo_thermalismo

INFORMACIÓN BÁSICA SOBRE A PROTECCIÓN DOS SEUS DATOS	
RESPONSABLE	Deputación de Lugo
RESPONSABLE	Benestar Social e Igualdade
FINALIDADE	Servizo de prevención da dependencia a través do envellecemento activo. O obxecto é facilitar a asistencia, aos tratamentos que nos balnearios se prestan, ás persoas maiores de 50 anos, para que estas reciban tratamentos termiais por prescrición facultativa, cuxo fin sexa a prevención, a rehabilitación dunha doenza ou a prevención e/ou curación
LEXITIMACIÓN	RGPD: 6.1.e) Tratamento necesario para o cumprimento dunha misión realizada en interese público ou no exercicio de poderes públicos conferidos ao responsable do tratamento. Lei 8/1989, de 15 de xuño, de delimitación e coordinación das competencias das Deputacións Provinciais de Galicia
DESTINATARIOS	Outras administracións
DEREITOS	Acceso, rectificación, supresión, oposición, limitación do tratamento e, no seu caso, oposición e portabilidade dos datos
PROCEDENCIA	O propio interesado ou o seu representante legal

En _____, a ____ de _____ de 202_____

SINATURA DA TITULAR
Asinado (a persoa titular)

SINATURA DA ACOMPÑANTE
Asinado (a persoa acompañante)

SR. PRESIDENTE DA DEPUTACIÓN PROVINCIAL DE LUGO

ANEXO II

Ofértanse prazas de termalismo nos seguintes destinos, quedando os mesmos subordinados á contratación das prazas termais necesarias de maneira efectiva e cuxas resolucións sexan firmes.

Programa CON ESTANCIA 6 días e 5 noites, entrada domingo, con carácter xeral	Prazas	Técnicas	Custo da praza	Achega usuaria	Achega Deputación
MADRID AIRPORT HOTELES, S.L. (GUITIRIZ)	600	15	385,55 €	275,00 €	110,55 €
BALNEARIO Y TERMAS DE LUGO, S.L. (LUGO) ^{3,4}	48	20	385,55 €	275,00 €	110,55 €
HOTEL BALNEARIO AUGAS SANTAS, S.L. (PANTÓN)	72	15	385,55 €	275,00 €	110,55 €
BALNEARIO DE RIO PAMBRE, S.L.(PALAS DE REI) ^{2,4}	600	15	385,55 €	275,00 €	110,55 €

Programa SEN ESTANCIA, 10 días de luns a venres, con carácter xeral	Prazas	Técnicas	Achega usuaria
MADRID AIRPORT HOTELES, S.L. (GUITIRIZ) ¹	180	30	264,00€
BALNEARIO Y TERMAS DE LUGO, S.L. (LUGO) ^{3,4}	240	40	264,00€
HOTEL BALNEARIO AUGAS SANTAS, S.L. (PANTÓN)	180	30	264,00€
BALNEARIO DE RIO PAMBRE, S.L. (PALAS DE REI) ^{2,4}	180	30	264,00€

1 Facilitar toallas de balde ás persoas usuarias na modalidade sen estancia.

2 Desconto do 10% nas estancias e prestacións en relación coas tarifas oficiais do establecemento termal

3 Desconto do 20% nas estancias e prestacións en relación coas tarifas oficiais do establecemento termal

4 Desconto do 10% a aplicar nas tarifas oficiais ás persoas usuarias por servizos ou prestacións complementarias

Anexo III**Declaración renuncia á praza**D./D^a.

co DNI/NIF

na miña condición de beneficiaria do programa LugoTermal

☐ Renuncio á participación no programa LugoTermal

En

, a

de

de 202

(sinatura da persoa beneficiaria)